

M405Y: David von Augsburg: Traktate

1r,1 unser hêrre Jêsus Krist .
1r,2 der hât sich selben gediemüetiget . ze allen
1r,3 den dîngen . diu uns zuo den êwigen heile .
1r,4 nütze . unde nôtdürftic sint . von ganzen
1r,5 triuwen . dâ von sô ist daz billich . daz
1r,6 ouch wir uns vlîzen . alle zît nâch sînen
1r,7 willen . unser herze . unde unser leben ze rihten .
1r,8 wan sîn wille ist ein form aller rehticheit .
1r,9 unde ist diu êrst . unde diu hoehest rehticheit .
1r,10 unde sô im ie nâher . sô ie rehter .
1r,11 unde wan wir sînes willen an sîner goteheit
1r,12 niht erkennen mohten . dâr umbe entvienc
1r,13 er die mennischheit an sich . als er den engeln
1r,14 in den himel geôffenet hête sînen willen
1r,15 in sîner goteheit . daz ouch er selbe uns mennischen .

1v,1 hier in erde . lêrte sînen willen . in
1v,2 sîner goteheit . daz ouch er selbe
1v,3 uns mennischen hier ûf erde lêrte sînen
1v,4 willen . mit sîner mennischheit .
1v,5 diu nâch der goteheit alsô ganzlîchen
1v,6 geordenet ist . an aller heilicheit .
1v,7 als ez zimelich ist . mennischen
1v,8 in einer persôn vereinet . er ist
1v,9 der spiegel aller volkomenheit .
1v,10 dâr inne wir uns alle zît ersehen
1v,11 sulen . waz got von uns
1v,12 vorderet ze behalten . unde wes an uns
1v,13 gebreste . nâch sînen inneren willen .
1v,14 sô ein iegelich mennische ie
1v,15 ofter disen spiegel vûre sich setzet .
1v,16 unde ie vlîziclîcher sich

2r,1 selben dâ nâch rihtet . unde reinet .
2r,2 sô er den götelîchen spiegel . ie klârlîcher
2r,3 in dem himel . an sehente
2r,4 wirdet unde ie volliclîcher von sînen
2r,5 brechenten glaste erliuhtet . dâr

2r,6 umbe wart er hôhe an daz kriuze
 2r,7 erboeret unde genagelt Offenliche
 2r,8 ûf dem velde . aller der werlt
 2r,9 an ze sehen . als man die spiegel
 2r,10 spulget an die tûresûle ze nagelen .
 2r,11 daz die ûz unde in gende sich
 2r,12 dâr inne ersehen . daz wir
 2r,13 alle an im lernen . die tugentforme .
 2r,14 die er uns hât ûf erde
 2r,15 brâht . von der himelschuole . der oberesten
 2r,16 tugende schuolmeister . sîniu

2v,1 wort . sîniu werc . sint allez tugende
 2v,2 lecen . unde doch sunderliche lêrte .
 2v,3 er dise tugent . dô er sprach .
 2v,4 “lernet von mir . wan ich semfte
 2v,5 bin . unde diemüetiges herzen . sô vindet
 2v,6 ir ruowe iuvern sêlen . mîn
 2v,7 joch ist semfte . süeze . unde mîn
 2v,8 bürde ist ringe .” die andern tugent
 2v,9 lêrte er . dô er sprach . “dâr an erkennt
 2v,10 alle die erkantnisse habent .
 2v,11 daz ir mîn lêrjunger sît .
 2v,12 ob ir minne ze einander habet .
 2v,13 als ich iuch geminnet hân .”
 2v,14 sît er selbe jihat daz wir
 2v,15 dise tugent . von im lêrn sulen . swer
 2v,16 nû sîn schuolkint wile sîn . der zeige

3r,1 ez an der lêrunge der wole gelernet . schuolær
 3r,2 der vröuwet unde êret sînen schuolmeister
 3r,3 Jêsum Christum . swie aber nieman
 3r,4 mit worten künne . alsô
 3r,5 volliclichen . unde alsô eigenlichen
 3r,6 kein tugent gelernen unde in daz
 3r,7 herze gemâlen . als diu ölunge
 3r,8 des heiligen geistes . der si in daz herze
 3r,9 gôz . sô helfent si doch
 3r,10 ein teil . daz man daz herze desten baz
 3r,11 dâr nâch künne geordenen . unde
 3r,12 gerihten . dâr umbe . als verre
 3r,13 ich mich iemitten verstên kan .
 3r,14 unde gedenken mac . als dîn geist
 3r,15 rehte kome . unde got liep an
 3r,16 dir sî . alsô lege ich dir einvaltige
 3r,17 forme vüre . nâch der dû dich

3v,1 rihtest . als dû mich dicke gebeten hât .

3v,2 swâr dû dich bezzers verstêst . unde
3v,3 daz dir baz kome . dâ wile ich niht
3v,4 daz dû mir volgest . dâ folge dem
3v,5 bezzern meister . den heiligen geiste .
3v,6 nâch dem sich elliu herze rihten
3v,7 sulen . die sîner bîwonunge gerent .
3v,8 getrôst werden . unde als er selbe senfter
3v,9 ist . alsô lerne von im semfte sîn .
3v,10 dir selben . unde andern liuten . dir selben
3v,11 daz dû allez dîn gemüete ûf
3v,12 in einen lâst . als verre daz mit vuogen
3v,13 sîn mac . vore des lîbes nôtdurft
3v,14 unde des gemeinen ordenes gehôrsame .
3v,15 wan swie doch gotes heimelîche
3v,16 ob allen dingen si sô muoz man

4r,1 etewenne underlâz haben dâr
4r,2 an . durch des lîbes krancheit
4r,3 daz er iz erwerben . müge . unde durch
4r,4 anderer herzen vride . diu von
4r,5 ire broedicheit sich murmelenes niht
4r,6 erwerben mügen . swer unsern
4r,7 hêrren unbescheidenlîchen .
4r,8 behaben wile dem entrinnet er
4r,9 ofte . swer sich sîn bescheidenlîchen
4r,10 underwîle . ânet mit sene
4r,11 der behabet in . wan der sich nâch
4r,12 im . oder mit im . ze einer wîle . alsô
4r,13 gar verkrenket . daz im diu
4r,14 kraft gar enget almeist . in
4r,15 dem houbete . der muoz dâr nâch unserm
4r,16 hêrren . dâ wider als vremede werden

4v,1 daz er weder anedæhticlîchen gebeten
4v,2 getar . noch an got tiefe gedenken .
4v,3 ob er den sin gert ze behalten .
4v,4 dâr zuo als herte er vore dem lîbe
4v,5 was mit verkrenkene . als zart
4v,6 wirdet im der lîp . dâr nâch mit gemache .
4v,7 unde mit semften lebene . daz
4v,8 er ûf halte in . unde wider bringe
4v,9 unde murmelt ûf die andern .
4v,10 daz si im ungeloubic sîn . unde
4v,11 im sîner nôtdurft niht helfent
4v,12 nâch sîner dürfte . dâr under ergarnent
4v,13 sich die andern von im daz
4v,14 er ze müelich sî . unde den lîp ze lieb
4v,15 habe . folge dem gemeinen ordene .

4v,16 swâ dû mit vuogen maht unde

5r,1 âne grôzen schaden . der anedâht . sô hâst
5r,2 dû deste baz mêr vrides . von der samenunge .
5r,3 unde wirst deste minner vermæret
5r,4 ob dir got iht heimeleche genâden
5r,5 tuot . ziuch dîn gemüete . von allem dem
5r,6 des dich niht an gêt . lâze ein
5r,7 iegeliche ire dinc ahten . unde sînen
5r,8 site halten . unde schaffe dû mit gote
5r,9 dîn dinc . swes aber dû gebezzert
5r,10 maht werden des nim alein war
5r,11 daz ander daz lâ hin gên . bekumber
5r,12 dîn herze niht mit urteil . wan
5r,13 dû niht wizzen kanst . umbe weliche
5r,14 sache . oder in welichem sinne .
5r,15 daz geschihet daz dû urteilest .
5r,16 wan als wir ûzen ofte

5v,1 missesehen . einez vûre ein anderz .
5v,2 alsô misseteilen wir ofte ein guotez .
5v,3 vûre ein boesez . als der schelhe . der zwei
5v,4 sihet . vûre einez . unde ist dâr an betrogen .
5v,5 maht dû ez aber niht ze guote
5v,6 gekêren . dannoch bekumber dich
5v,7 niht dâ mit . ez ist vile unverrihtigunge .
5v,8 in der kristenheit . der dû aller niht
5v,9 verrihten maht . leide einez mit
5v,10 dem andern . des dû niht getrûwest
5v,11 gebezzern . dâ üebe dîn gedult an .
5v,12 swâ aber von dînem swîgene iht
5v,13 ungevelliges wahren . mohte . daz
5v,14 von dîner rede gebezzert mac . werden .
5v,15 dâ sprich zuo semfticlichen ernestlichen
5v,16 âne strît . daz dû dich

6r,1 dâ mit unschuldigest daz dû sîn iht
6r,2 teilhaft sîst . des man dich an spreche .
6r,3 bist dû des schuldic sô entwâhe .
6r,4 ez guotlichen . wan ez billich ist .
6r,5 sîst dû sîn unschuldic sô entwâhe
6r,6 ez vridelichen . wan sô bist
6r,7 dû unserm hêren Jêsu Christo . deste
6r,8 gelîcher der vile itewîze . unde ungemaches
6r,9 erliten hât . âne alle sîn
6r,10 schulde . ez ist ein grôze êre
6r,11 dem knechte . ob in der sîn hêre im
6r,12 selben gelîchet . dâ von setze

- 6r,13 dîn gemüete in di semfte . swaz
6r,14 dir widervar . daz daz von
6r,15 unserm hêrren alsô vore geordenet
6r,16 sî . dir ze guote . dâr umbe lîde ez
- 6v,1 lieplîchen den ze liebe . der dir ez geordenet hât .
6v,2 daz dû im dâ mit dankest . des
6v,3 er dir ze heile erliten hât . mit
6v,4 grôzer liebe . machet er dich
6v,5 siech . unde biutet man dir ez dâ zuo
6v,6 unwirdiclîchen . unde erbarmet
6v,7 sich lûtzel ieman über dich . als
6v,8 dir nôt wær . sô gedenke . an
6v,9 Jêsum Christum . der in sînen grôzesten
6v,10 noeten . di grôzesten unwirde leit .
6v,11 von spotte . von itewîze . von aller
6v,12 versmæhede . unde dâr zuo als wênic
6v,13 barmherze vant . daz im in dem
6v,14 jungesten durste nieman bôt .
6v,15 einen wazzers trunc . aller der
6v,16 wazzer die diu werlt hât .
- 7r,1 joch ezzich unde gallen . bôt man im in spotte .
7r,2 daz bezeichnenet scharpfu wort . unde bitteriu
7r,3 herze . als dû stætliclîchen siech wirdest .
7r,4 sô sæhe man vile gerne . daz dû
7r,5 schier entbunden würde . unde si von
7r,6 dir . wan unser hêrre . uns manicvaltigen
7r,7 lôn geben wile . sô wile
7r,8 er daz wir in mit manicvaltiger
7r,9 dulte verdienen . wêtages mangels
7r,10 unde unwirde . unde als er eines
7r,11 verhenget über dich . alsô tuot
7r,12 er ouch des andern vûrhtest dû
7r,13 aber mêt ander mennischen . beswærde
7r,14 denne dînes siechtages .
7r,15 daz muost ouch lîden mit Jêsu
7r,16 Christo dem sîn marter vile dest
- 7v,1 wirs tet durch sîner vriunde . herzeleit
7v,2 sîner lieben muoter unde ander
7v,3 sînen vriunde . unde aller der die von
7v,4 sîner marter betruobet wurden . oder
7v,5 geboesert . sô ein iegelich mennische
7v,6 unsers hêrren marter ie gelîcher ist
7v,7 hier . in sînem kumber sô er im dort
7v,8 ie nâher unde gelîcher wirdet in sînen
7v,9 vrôuweden . die er uns mit sîner marter

- 7v,10 erarnet hât . vier leie
 7v,11 kumber leit er durch uns . an guote
 7v,12 an lîbe an êrn an herzenleide . an
 7v,13 guote . daz er arm was . an guoter spîse .
 7v,14 an herberge . an urbor . an liuten .
 7v,15 an kleidern . dâr zuo daz selbe gewendelîn
 7v,16 des er niht erbern mohte .
 7v,17 durch mennischlich broedicheit .
- 8r,1 des wart er beroubet vore dem kriuze .
 8r,2 er möhte ez vore hin gegeben haben .
 8r,3 sîner armen muoter . oder andern
 8r,4 guoten armen . daz ez wole bestatet wær .
 8r,5 dô wolte er ez gerner di roubær
 8r,6 lâzen nemen . daz er uns dâ bî
 8r,7 lêrte . daz daz ein als hôhe tugent
 8r,8 ist . swer guotlîchen vertreit .
 8r,9 daz leit den schaden daz ungemach .
 8r,10 daz im ein andere tuot .
 8r,11 als der sich von im selben . vlîzet
 8r,12 guoter werke . unde sô vile etewenne
 8r,13 hôher . sô vile si seltsæner ist .
 8r,14 unde müelicher . an dem lîbe leit er
 8r,15 arbeit ungemach bant . slege wunden
 8r,16 stôze unde den tût . an den
 8r,17 êren leit er smâchheit an liegen .
- 8v,1 verkêret spot schande . unde als der boeseste
 8v,2 diep . unde ein mordær . einen schantlîchen
 8v,3 tût . herzeleit . leit er ouch
 8v,4 umbe di sorgen gein sîner marter
 8v,5 unde sîner vriunde beswærde umbe
 8v,6 die di der vriuntschaft gein im . in
 8v,7 sînen noeten vergâzen . unde gestuonden
 8v,8 sînen vînden . di im dâ vore in
 8v,9 sînen êren vriuntlîchen hêten
 8v,10 geliepkôset . dâ mit lêrt er uns
 8v,11 samelîchez lîden etelîche gestuonden .
 8v,12 sînen vînden niht . unde getorsten sich
 8v,13 doch niht offenlîchen sînen vriunden
 8v,14 erzeugen . vore der vînde vorhte allez
 8v,15 uns ze einen bilede . unde ze einer lêre .
 8v,16 lêrne bî im swer dich mit ihtiu
 8v,17 beswære . daz dû ez die wîle dulticlîchen
- 9r,1 lîdest unde mit stille . sô aber
 9r,2 diu wîle vergêr sô lâ dir ez rehte sîn .
 9r,3 als ob ez niht gewesen sî . oder ein

9r,4 gedanc oder ein troum . gewesen sî .
 9r,5 unde ein liehter wân . dâ von sich
 9r,6 nieman wîser sol betruoben . daz
 9r,7 wær aber volkomenlich der niht
 9r,8 alein gedulticliche vertrüege . daz
 9r,9 im widermüetes widervüere . daz er
 9r,10 ez joch williclichen verträge unde
 9r,11 dâr zuo vroeliche . unde süeziclichen
 9r,12 âne haz gê . gein den . von den er ez leidet .
 9r,13 daz er im niht mêr vremede mit
 9r,14 dem herzen sî denne ob er ez hête
 9r,15 einem vremeden getân . in geistlichen
 9r,16 lebene . sol man niht alein
 9r,17 süezicheit suochen . unde gemacht

9v,1 des herzen . man sol ouch tugende lernen .
 9v,2 unde an wîsheit . ûf nemen .
 9v,3 wan unser Jêsus Christus ist genant sînes
 9v,4 vater tugent . unde sîn wîsheit .
 9v,5 dâ von sulen sîniu schuolkint
 9v,6 disiu beidiu von im lernen .
 9v,7 ganze ruowe mac kein herze
 9v,8 haben . âne ganze gedult . wan
 9v,9 ez en mac hier nieman . allem
 9v,10 ungemache entvliehen . dâ von
 9v,11 swer ruowe in ungemache . haben
 9v,12 wile . der wene sich mit gedulticheit .
 9v,13 überwinden . aber ze
 9v,14 lernen . gedulticheit . ist kein letze
 9v,15 sô guot . als emzicheit . widermuotes .
 9v,16 dâ von kumet man es in di
 9v,17 gewoneheit daz man sîn minner ahtet .

10r,1 wîsheit lêrt ouch gedult . sô wir
 10r,2 betrachten waz ungemach ist . ist
 10r,3 dir ein mennische vînt . waz ungemaches
 10r,4 ist . dir daz . daz er bî im
 10r,5 in sînem herzen treit . nû bist dû in
 10r,6 sînen boesem niht . wâ rüeret dich
 10r,7 denne sînes herzen übel . der von dir
 10r,8 mêr ist denne einen schrit .
 10r,9 spricht er dir iht üfels . daz
 10r,10 wort treit der wint hin . als einen
 10r,11 andern schal . wâ hât dich daz troffen .
 10r,12 an houbete oder an rügge oder
 10r,13 wâ . grîfet er dich an dem guote .
 10r,14 an . oder an dem lîbe . dannoch rüeret
 10r,15 er dir daz herze niht . ob dû

10r,16 selbe in es lâst in ruowen . dâ von
 10r,17 betruobest dû dich selbe . umbe

 10v,1 ûzeriu dinc . daz ist ein zeichen . daz
 10v,2 dû diu mēr minnest . denne dīnes
 10v,3 herzen ruowe . unde denne di sælicheit
 10v,4 di daz geruowet herze mit gote haben mohte
 10v,5 als den willen nieman
 10v,6 mac ze sünden dwingen . wan er
 10v,7 selbe . alsô mac daz herze niht
 10v,8 betrüeben wan er selbe . wan als
 10v,9 mir nieman niht liebes kan
 10v,10 getuon . ich en well mir ez selbe
 10v,11 liep lân sîn . alsô mac mir nieman
 10v,12 niht leides getuon . ob ich mir
 10v,13 ez selbe niht leit lâze sîn . dâ
 10v,14 von sol ein wīse herze sich alsô ordenen .
 10v,15 swaz im leides widervar .
 10v,16 daz ez iz alsô entvâhe . als ob ez
 10v,17 selbe alsô gevüegeet habe .

11r,1 wan swaz ich mir selbe gevüege .
 11r,2 daz betruobet mich niht . wan ich
 11r,3 wolte ez alsô . dâ wider swaz dir
 11r,4 des niht wirdet . des dû gerst . dâ gedenke
 11r,5 zuo alsô ob dû iz gehabet
 11r,6 habest . nâch dīner begerunge . unde
 11r,7 nû diu zît vergangen sî . wan daz
 11r,8 vüre ist . daz ist dem iezuo gelîch .
 11r,9 daz dâ niht en ist . swie doch
 11r,10 sîn lôn etewenne dâ vore sî
 11r,11 alsô hilfet wîslîchiu betrachtunge .
 11r,12 zuo gedult . unde ze semfte des
 11r,13 herzen . unde ze allen tugenden
 11r,14 sô man betrachtet der tugende
 11r,15 nutz . unde der untugende ungancheit .
 11r,16 dâr umbe hât uns unser
 11r,17 hêrre ougen gegeben . an

11v,1 dem lîbe . unde an der sêle . als uns
 11v,2 diu ûzern ougen wîsent . unde zeigent
 11v,3 daz wægeste . an lieplîchen
 11v,4 dingen . daz uns diu innern ougen
 11v,5 der verstantnisse alsô lêrn . unde vüreschen .
 11v,6 daz daz bezziste sî an geistlîchen
 11v,7 sachen . alsô lerne von Jêsu
 11v,8 Christo semfte sîn dir selben . dâr zuo
 11v,9 lerne ouch von im semfte sîn . den

- 11v,10 andern . daz dû nieman swær sîst .
11v,11 von dînen schulden . mit worten .
11v,12 beidiu vore im . unde von im .
11v,13 als dû ez von im vüre guot hêtest .
11v,14 ob er dir . oder von dir diu wort gesprochen
11v,15 hête . diu dû von im geredet
11v,16 hâst . mit werken . wis nieman
11v,17 unsemfte tuo decheinen andern
- 12r,1 des dû von im niht woltest . mit willen .
12r,2 mit dînen gebærden . zeige
12r,3 nieman kein unwirde . wan daz
12r,4 getet Jêsus Christus nie . swie vile man
12r,5 im unwirde erbûte unde leides tæte .
12r,6 tuot dir ieman iht leides .
12r,7 des vergiz zehant unde ker ez ze
12r,8 unserm hêrren . daz er dich ergetze .
12r,9 mit im selben . unde trinc
12r,10 sînen geist in dich . wan er semfte
12r,11 ist . gein sînen vînden . daz er
12r,12 si guotlichen vertreit . unde in ire dinc
12r,13 wole lât ûf erde gên . als sînen
12r,14 kinden . unde gert daz si sîner
12r,15 hulde schier müezen wert
12r,16 werden mêr denne dich selben . ze zwein
12r,17 dingen ist uns nôt . der uns
- 12v,1 unser dinc verkêret . âne andern
12v,2 nutz . des lônnes . unde antlâzes der
12v,3 sünde . daz ein ist . daz wir uns
12v,4 desten baz an allen dingen hûeten .
12v,5 daz di verkêrær desten minner
12v,6 vinden an uns . daz si uns verkêren .
12v,7 daz ander ist . daz wir
12v,8 unser gemüete desten mêr ze gote
12v,9 vüegen . daz wir mit sînen trôste
12v,10 ergetzet werden . der ûzern anevchtunge
12v,11 sît uns denne di vînde .
12v,12 niht geschaden können .
12v,13 noch uns betruoben mügen . an
12v,14 unser selber verhengede . sô sulen
12v,15 wir daz leit . daz wir umbe
- 13r,1 uns selbe haben solten . kêren gein unsern
13r,2 vînden . die in selben grôzen schaden tuont .
13r,3 unde ire unsælde . unde ire unsin . uns lâzen
13r,4 erbarmen . die sich selben toetent . den worten
13r,5 daz si uns ein agene . in den vuoz stechen . dâ

13r,6 von minneten die heiligen ire vînde . wan
13r,7 si disiu dinc wîslîchen kunden ahten . ire
13r,8 selber nutz . gotes willen . der vînde unsælde .
13r,9 dâr umbe lerne ouch dû dînen vînden
13r,10 niht vînt sîn . wan daz ist ein ûzgenomen
13r,11 zeichen . daz der mennische
13r,12 des himelischen vaters kint sî .
13r,13 unde Jêsu Christi lêrekint . unde des heiligen
13r,14 geistes wonunge . der von im
13r,15 gelernet hât . sîn vînde minnen .
13r,16 unde semftez herze tragen . gein
13r,17 den di im ûbels gûnnen . unde
13r,18 vridesam sîn . mit den di vride

13v,1 hazzent . waz wûnne hât der heilige
13v,2 geist in dem herzen . dâ er sô
13v,3 stæte ruowe inne vindet . daz in
13v,4 mit keinem râcherouche . ûz sînen
13v,5 süezen bînvazze . vertrîbet . waz
13v,6 süezes honicvluzzes er dem selben
13v,7 herzen zuo vüeret . dâ von
13v,8 ist wunders niht . ob diu süezicheit
13v,9 seltsæne ist ûf erde . wan sôgetân
13v,10 semfte ist . in geistlîcher menige .
13v,11 niht gemeine bî disen zîten .
13v,12 Jêsus Christus hât iezuo ein wît schuole . unde wênic lernær . an
13v,13 disen tugenden . lerne von im ouch
13v,14 diemüetiges herzen sîn . ûzer
13v,15 diemuot an gewande . an gewoneheit
13v,16 an gebærden . an Worten .
13v,17 diu mac etewenne sîn âne des

14r,1 herzen diemuot . als ein gelîchesenær aber
14r,2 inner diemuot des herzen . kan sich
14r,3 niht verbergen . si zeige sich ûzen
14r,4 an allen dingen . wan si mac .
14r,5 sich niht anders gezeigen denne
14r,6 si ist . swâ si sich niht
14r,7 ougenet . dâ ist si niht kreftic . iriu
14r,8 zeichen sint schînbær an allen dingen . si ist
14r,9 semfte an den siten . stille an den Worten . durhnehte
14r,10 an den Worten . unde an den werken . stæte
14r,11 an der wârheit . si ist dancnæme aller guottât .
14r,12 swie kleine si wær . wan si dunket sich kûme
14r,13 kleines guotes wert . si ist gedultic in ungemache .
14r,14 wan si hât sich dâ vüre . daz si ez
14r,15 billîchen sol lîden . si leinet sich gein nieman
14r,16 ûf . mit keiner ebenhiuze . wan si getar .

14r,17 sich gein nieman gelichen . si en gan nieman keines
 14r,18 guotes . noch gan nieman . keines üfels .

14v,1 wan si hât di andern werder . alles guotes
 14v,2 denne sich . si gert weder êren . noch
 14v,3 vile guotes . wan si niht . vore den andern
 14v,4 hier schînen wile . an keinem
 14v,5 gewalte der rehte diemüetige mennische .
 14v,6 ahtet sich selben swacher vore allen
 14v,7 dingen . vore allen mennischen . unde joch
 14v,8 vore aller créâtiure . von zwein sachen .
 14v,9 diu ein ist . wan er sihet sich
 14v,10 selben an vlîziclichen . unde
 14v,11 erluoget einiclichen . aller sîner untugende
 14v,12 diupstâl . wie manicvaltiglîche
 14v,13 er untugenthaft ist .
 14v,14 wie kûndicliche er daz verdecken
 14v,15 kan . mit listiclicher gelîchesenheit .
 14v,16 daz joch er selbe kûme
 14v,17 gemerken kan . di kleinvüege
 14v,18 sünden slouflöcher . — —

15r,1 — — — — —
 15r,2 — alsô sprichet daz . des
 15r,3 mennischen herze ist boese . unde unerkantlich .
 15r,4 wer mac ez erkennen . unde wan
 15r,5 er niemannes herze als daz sîn erkennet .
 15r,6 sô urteilet er niemannes sünde
 15r,7 alsô swinde als sîn selbes ob
 15r,8 joch ein ander mennische grôzer sünde
 15r,9 tuot . sô dunket in doch sîn selbes
 15r,10 undurhnehte . unschuldiclicher
 15r,11 unde unleidiger . diu ander sache
 15r,12 ist . von der undancnæmigheit . unde von
 15r,13 sîner sûmicheit . wan er ahtet einhalp
 15r,14 di genâde . di er von gote entvangen
 15r,15 hât . unde sîn helfe . di er im erboten
 15r,16 hât . unde sîn liebe . unde sîn .
 15r,17 triuwe . di ein sô hôher hêrre
 15r,18 einem stöubelîne . alsô diemüeticlichen

15v,1 lange erzeiget . hât . anderhalp
 15v,2 ahtet . er daz kein mennische wær . noch
 15v,3 kein créâtiure . wær ir von gote als
 15v,4 vile guotes erboten . unde als vile triuwe
 15v,5 erzeiget . er wær vile lîhte .
 15v,6 zehenstunt dancnæmer . unserm
 15v,7 hêrren . unde hête in lieber unde diente

15v,8 im vlīziclīcher unde durhnehticlīcher .
15v,9 unde getriuwelīcher . an allen
15v,10 dingen . unde huote sich sorgesamer .
15v,11 vore allen sünden . unde hête
15v,12 mêt ûf genomen . an allen tugenden .
15v,13 unde wær bezzer worden
15v,14 an aller heilicheit . von disen
15v,15 zwein sachen . hêten di hôhen
15v,16 heiligen . sô grôze diemüeticheit .
15v,17 unde sô grôzez leit . umbe sô
15v,18 kleine sünde . wan si sâhen mêt

16r,1 di wurze an . denne die este der sünden .
16r,2 wan diu untriuwe . daz si den
16r,3 getriuwesteme vriunde . unserm
16r,4 hêren . alsô vile guotes . mit alsô
16r,5 getânem übel danketen . unde daz
16r,6 si wider einen sô hôhen küninc
16r,7 iht getorsten tuon . daz im leit was .
16r,8 daz dûhte si sô gar unbillich
16r,9 daz si sich ouch ze vile grôzen süntær
16r,10 ahteten . unde ander süntær .
16r,11 dâr an bezzer hêten . denne sich
16r,12 selben . wan lîhte ander di grôzesten
16r,13 süntær verre bezzer wæren . hiete
16r,14 in got sô vile liep erzeiget . ander
16r,15 crêatiure die niht habent verstantnisse .
16r,16 sint ouch dâr an bezzer
16r,17 denne der süntær . wan si gote nie
16r,18 kein leit hêten getân . der in

16v,1 doch nie kein liep herr erzeigete als
16v,2 dem mennischen . dâ von wuohs ouch
16v,3 an den hôhen heiligenen . diu diemuot .
16v,4 mit den tugenden . unde mit
16v,5 den genâden . wan sô in got ie
16v,6 baz tet . mit sînen genâden .
16v,7 unde mit sînen triuwen . sô si ir
16v,8 selber= undancnæme . ie mêt erkanten
16v,9 unde sûmicheit mêt klageten .
16v,10 unde dâ von ire unwirdicheit wærlīcher
16v,11 ervunden . unde alsô si ie hôher
16v,12 stigen an den êren sô si sich ie tiefer neigten .
16v,13 mit der diemuot si schieden daz lieht von
16v,14 der vinster . dâ von wart ir ietwederez schînbarer .
16v,15 von dem andern . mêt denne ob
16v,16 si gemischet wæren si sâhen einhalben
16v,17 an di grôzen . liebe unde die genâde . di in

- 16v,18 got erzeiget hête vergebene . anderhalp .
- 17r,1 ir selber unwerdicheit . unde ire undancnæme .
17r,2 unde ire unsluene . ûf zuo
17r,3 nemene . unde dâ von sô si di genâde
17r,4 ie grôzer erkanten . sô si ire unwerdicheit
17r,5 ie schînberlicher verstuonden .
17r,6 unde dâ wider sô si ire unwirdicheit
17r,7 ie offênlicher verstuonden .
17r,8 sô si di genâde ie lûterlicher
17r,9 erkanten . diu si ire grôzen unwirdicheit
17r,10 niht liez entgelten .
17r,11 si en tæte mit in . oder an in genâden
17r,12 site . daz ist wole tuon . den unwirdigen .
17r,13 unde des mohten si sich niht
17r,14 überheben . von der wârheit . lêre . sô wir
17r,15 rehte merken . waz wir von uns selben .
17r,16 unde an uns selben sîn . unde was wir von gotes
17r,17 genâden sîn . von uns selben . sîn wir
17r,18 niht niuwan süntær . an uns selben
- 17v,1 sîn wir ein blôziu crêatiure . diu ir
17v,2 selber weder über sich noch vûre sich
17v,3 gehelfen kan . unde daz selbe haben
17v,4 wir von uns selben niht . niuwan von
17v,5 gotes lêhene . dem sulen wir ez mit dieneste .
17v,6 unde mit danke gelten . unde haben
17v,7 ouch des geltens niht . niuwan der
17v,8 lêhenær gebe uns . von sînen genâden
17v,9 dâ mit wir im vergelten . unde alsô
17v,10 haben wir niht des wir uns gerüemen mügen
17v,11 niuwan unser sünde . dâ lît niht an
17v,12 wan schade unde schande . des sol sich
17v,13 nieman rûmen der sinnic ist .
17v,14 daz ander ist allez uns âne gelîchen
17v,15 als der ze einen spile ein vremedeze kleit
17v,16 entnimet . dâ inne er ze einer kurzen
17v,17 vrist erschîne . unde ez dem
17v,18 lêhenær wider gebe . swenne er ez
- 18r,1 wider vorder . unde ob er ez iht geswechet
18r,2 hât . daz er mit schaden gelte . oder gerihtes
18r,3 reht dâr umbe dulte . sihest dû nû
18r,4 wie uns . diu rehte wârheit wîset
18r,5 ze der rechten diemuot . unde swâ wir
18r,6 von der diemuot wenken . dâ treten
18r,7 wir von der wârheit unde strûchen in di lûgepfütze der betrogen hôchvart
als lerne von Jêsu Christo . der diu wârheit

18r,9 ist . diemüetiges herzen sîn . wan
18r,10 nie herze diemüetiger wart . denne
18r,11 sîn herze . wan swie er doch
18r,12 nie sünde getet . noch nie keinen
18r,13 gebresten hête . der in . niderte wârer
18r,14 got unde mennische . sô erkant doch sîn edeliu
18r,15 sêl . diu der wîsheit trisinær was . daz
18r,16 sîn heiligiu mennischheit . lûterlîche von
18r,17 genâden . hête . alle die êre die si hât .

18v,1 unde die sælde . wie möhte kein crêâtiure
18v,2 die wirdicheit verdient hân . daz si mit
18v,3 gote ein persôn wær . wan zehant dô sîn
18v,4 mennischheit geschaffen was . in der
18v,5 meide lîbe . dô was si ouch mit der
18v,6 goteheit vereinet . waz mohte si
18v,7 dâ vore verdienet haben . diu vore
18v,8 der vereinunge ein stunt niht
18v,9 gewesen was . dâ von wart
18v,10 nie grôzer genâde noch schînbarer .
18v,11 denne an Jêsu Christi mennischheit .
18v,12 diu sô gar unverdieneter dinge . ze sô übergrôzer wirdicheit .
18v,13 erwelt ist . vore aller
18v,14 crêâtiure . daz ist gevellich von
18v,15 dem uns alliu genâde vliuzet .
18v,16 von dem houbete in di lider . daz
18v,17 ouch diu genâde an im volliclîcher

19r,1 unde schînberlîcher worhte . denne
19r,2 an allen den liden . unde wan daz sîn
19r,3 sêle lûterlîcher erkante . denne ie
19r,4 kein sin mohte under gote . dâ von
19r,5 was ouch er diemüetiger . denne ie
19r,6 kein herze würde . wan sîn mennischheit
19r,7 gît alle ire êre . der hôhen goteheit .
19r,8 von der si si alle hât mit triuwen .
19r,9 swer des . daz im bevolhen
19r,10 ist . iht behaltet . wider des bevelhærs
19r,11 willen . der ist ungetriuwe als
19r,12 der des guotes iht im selben . dieplîchen
19r,13 inne behaltet . des im ûf sîn
19r,14 triuwe ze behalten entvolhen ist .
19r,15 unde alsô ist diu hôchvart . ein ungetriuwe
19r,16 diubinne . sô si unsælic
19r,17 müeze sîn . diu von ire hêrren
19r,18 guote stilet . dâ si sich mit zierte unde

19v,1 êre koufet der si niht bestêt . diu hôchvart

- 19v,2 zimet der goteheit niht . diu goteheit
 19v,3 mac niht hôchvart haben . wan
 19v,4 got mac sich niht hoeher ahten .
 19v,5 denne er ist . von wârheit . der daz
 19v,6 obereste guot ist . alsô sint ouch diemüetic
 19v,7 die engel . unde die heiligen .
 19v,8 daz si daz besunder ahtent . waz
 19v,9 si von in selben sint . daz ist
 19v,10 niht . unde waz si von gote worden
 19v,11 sîn . der si von nihtiu gemachet
 19v,12 hât . unde alsô gebent si in selben
 19v,13 niht êren . unde habent sich vüre
 19v,14 niht . unde behaltent gote di êre .
 19v,15 alle unde daz lop . von des güete si
 19v,16 allez daz habent . daz an in lobelich
 19v,17 oder guot ist . — — —
 19v,18 — — . — — — — —
- 20r,1 niht uns hêre . niht uns . sunder dînen
 20r,2 namen . gip êre . unde wan si mit der wârheit
 20r,3 erliuhtet sint . sô sint si ouch mit der wârheit
 20r,4 minne entzündet . dâ von wellent si . daz
 20r,5 die selben urteile . alle liute von in
 20r,6 haben . die si selbe über sich habent .
 20r,7 daz si nieman êre . noch hôher
 20r,8 ahte . denne si sint . unde gernt daz
 20r,9 man si vüre niht habe . daz si dâ
 20r,10 von in selben sint . unde vüre süntære .
 20r,11 die wîle si hier sint . unde swaz an
 20r,12 in guotes ist . daz man got dâr umbe
 20r,13 lobe . von dem ez alein komen
 20r,14 ist . swer sich vüre iht ahtet . der
 20r,15 erkennet der wârheit niht . swer sich
 20r,16 aber nihtes wert . ahtet . unde en
 20r,17 mac doch niht erlîden . daz man si versmæhe . oder vernihte der sihet
- 20v,1 die wârheit unde minnet ir niht .
 20v,2 wan im ist sîn selbes êre lieber
 20v,3 denne diu wârheit . diu im zeigtet .
 20v,4 daz er keiner êren wert ist . dâ
 20v,5 von lerne von Jêsu Christo . diemüetiges
 20v,6 herzen sîn . daz dû dich selbe versmæhest .
 20v,7 mit herzen . unde mit diemüetigen
 20v,8 werken . unde mit diemüetigen
 20v,9 worten . unde ouch daz gerne von andern
 20v,10 liuten lîdest . unde mit vrôuweden
 20v,11 gerst
 20v,12 swaz guotes der mennische hât .

20v,13 daz er niht diemüeticliche üebet .
20v,14 unde blûclîche behüetet . daz nimet
20v,15 vile selten guot ende . er ne verliese ez .
20v,16 oder sich mische etewaz dâr zuo daz
20v,17 niht ganz ist . lieber ist unserm
20v,18 hêrren ein mennische . mit minner
20v,19 genâden . diemüetic . denne mit

21r,1 mêr genâden übermüetic dâr umbe
21r,2 machet er die genâde ouch etewenne
21r,3 sô tiure . daz er uns dâ mit diemüetige .
21r,4 unde erschrecke dâr umbe
21r,5 verhenget er ouch etewenne daz man
21r,6 die genâde dem mennischen verkêret .
21r,7 als ob si unreht sî . oder ungan
21r,8 daz sich ir der mennische iht überhebe .
21r,9 als eines hôhen dinges . wan
21r,10 lobet man uns alle zît . umbe unser
21r,11 guottâte . sô tâte man der hôchvart die
21r,12 türe ûf . daz si in rite . unde beroubete
21r,13 uns alles lônnes . unde aller tugende .
21r,14 unde sô diu genâde ie hôher ist . unde
21r,15 diu tugent ie grôzer ist . unde diu
21r,16 guottât ie bezzer . sô ie noeter ist . daz
21r,17 man si nider drücke . dô Maria
21r,18 unserm hêrren sîn houbet begôz .

21v,1 unde sîn vuoze . mit der edeln salben
21v,2 daz verkêrte man ir . unde grisgrammete
21v,3 ûf si . unde murmelten gein ir . swie
21v,4 doch er selbe si entredete . daz si
21v,5 ein guot werc an im worhte .
21v,6 daz ze loben wær . über alle die
21v,7 werlt iemer mêr . in genuogte
21v,8 ouch niht ûf si eine . ze hinderreden .
21v,9 si murmelten ouch ûf den heilant . wâr
21v,10 umbe er des gestatete . daz diu salbe ze unnutze .
21v,11 verloren würde an im des ist aber sô grôzes wunders niht .
21v,12 ob daz Judas tet . unde sîn genôze . die
21v,13 niht geistes hêten . als sancte
21v,14 Paulus sprichet . von den vihelichen
21v,15 liuten . die niht können verstên .
21v,16 die süeze des heiligen geistes . wan
21v,17 ez dunket si ein affenheit . unde ein
21v,18 getiusche . wan si ez niht wizen

22r,1 ez mohte joch ire swester Martha
22r,2 niht erliden . daz si geruowet saz .

22r,3 zuo unsers hêren vuozen . unde transc
 22r,4 in sich die sîeze sîner worte .
 22r,5 als verre . daz si sich niht enthaben
 22r,6 mohte . si ne bestrâfete in selben .
 22r,7 dâr umbe . daz er sîn verhangte .
 22r,8 daz er si niht ûf treip . daz si wær
 22r,9 umbe geloufen in der küchene .
 22r,10 - - - - - .
 22r,11 zwischen Lea . unde Rachel . was
 22r,12 ein stætez urluige . daz noch niht verslihtet
 22r,13 ist wan si geswester wârn . dâ von sô
 22r,14 bihten si ouch als die gellen gein einander .
 22r,15 doch sô Martha unduldete von sorgen . sô hielt
 22r,16 Maria ire zuht . unde sweich . Jêsus ist selbe
 22r,17 ire entredær . daz ist ir ein grôziu êre . er
 22r,18 ist sælic . den si niender niht verkêren können

22v,1 niuwan daz allerbezzeste . si verkêren
 22v,2 vile gerner . ein boeserz ob si ez
 22v,3 vünden . swen man anders niht gezîhen
 22v,4 kan . denne daz er ein gelîchesenær
 22v,5 sî . an den urteilet man . niuwen
 22v,6 daz herze . des der mennische niht
 22v,7 gesehen mac . dem urteilet man
 22v,8 niuwen nâch betrogenem wâne .
 22v,9 wan von der wârheit . vindet man
 22v,10 anders niht an im ze bereffen .
 22v,11 swer aber suochet waz er bereffen
 22v,12 müge . der ist ein scheltær .
 22v,13 niht ein bezzerær . der getriuwe bezzerær .
 22v,14 ist vrôer . ob er niht vinde
 22v,15 ze bereffen . denne daz er vindet ze
 22v,16 bereffen . unde vindet er ouch iht
 22v,17 ze bereffen . daz tæte er gerner . sô
 22v,18 er geuogeste möhte . denne daz er

23r,1 ez ûz breite vore den . die sîn niht gebezzert
 23r,2 würden . diu tugent ist
 23r,3 seltsæne . under unvolbrâhten .
 23r,4 liuten . swes einer niht trûwet
 23r,5 gewinnen . daz er des einen andern
 23r,6 niht nîde . die halt niht tugent
 23r,7 gernt . die nîdent etewenne
 23r,8 die tugentlîchen . aber niht
 23r,9 umbe die tugent . niuwan umbe der
 23r,10 tugent lop . wan si gerent der êren
 23r,11 niht der tugent . wan aber gotes
 23r,12 ganziu minne . diu hôhest tugent

- 23r,13 ist . unde diu grôzeste sælicheit .
23r,14 sô muoz si desten mên nîdes
23r,15 lîden . von den di ir niht entwîdent .
23r,16 unde sô si ez anders niht
23r,17 geirren mûgen . noch geswachen
23r,18 getûren sô verkêrent si
- 23v,1 ez . daz si valsche sî . unde von dem tiuvel
23v,2 sî . swes der tiuvel niht hât .
23v,3 des mac er einem andern niht
23v,4 gegeben gotes minne hât . er niht
23v,5 wan hiet er die sô wær er niht
23v,6 ein tiuvel . man weiz ouch wole
23v,7 daz man got sol minnen . von
23v,8 allem herzen . von aller sêle von
23v,9 allem muote . von allen kreften .
23v,10 wan daz hât er geboten . unde ouch
23v,11 umbe uns verdienet . unde dâr
23v,12 zuo sol aller unser vlîz gerihtet
23v,13 sîn . daz wir kômen ze der erwîllunge
23v,14 dîze gebotes . dâ alle tugende
23v,15 inne beslozen sint . unde nieman
23v,16 mac behalten werden . der niht an
23v,17 dem vlîze gotes minne ist .
23v,18 sô man aber ie nâher ze ire
- 24r,1 volkomenheit ist . sô der mennische ie
24r,2 bezzer ist . môhte aber nieman dâr
24r,3 zuo hier kômen . nâch des weges volkomenheit .
24r,4 wâr zuo hête er uns denne
24r,5 daz gebot gegeben . die wîle
24r,6 aber daz herze iht anders minnen
24r,7 mac . iht anders gewellen mac .
24r,8 iht anders verstên mac . iht anders
24r,9 gedenken kan . denne got
24r,10 alein . sô ist diu sêle . mit allen
24r,11 ire kreften . niht in gote gesamenet .
24r,12 sô ein gedanc dâ ist . der ander
24r,13 hier . sô en mac si ouch alle
24r,14 die wîle got niht von allen
24r,15 ire kreften minnen . sô iegelich
24r,16 dinc daz si liep hât ûf
24r,17 erde . sîn teil ire minne zuo
24r,18 im zûhet . dâ von sô si got
- 24v,1 sol von allem herzen minnen . unde
24v,2 von allem dem minnen . daz si
24v,3 ist unde daz si mac . sô muoz si

24v,4 von allem dem gezücket werden . daz bî ir ist . unde von ire selber . daz
24v,5 si got alein müge minnen . des
24v,6 si dâ wole alein entwindet die wîle
24v,7 si aber noch in dem lîbe stecket .
24v,8 mit den lebene . sô en mac der
24v,9 lîp niht wole . sô ungewonlich
24v,10 vröuwede vertragen . âne etelich antunge
24v,11 mit lûte oder pfneschen .
24v,12 oder mit etelîcher bewegunge .
24v,13 unde des ist wunders
24v,14 niht . sît wir sehen . daz daz herze
24v,15 von irdischer vröuwede . unde von
24v,16 tôrheit . sô grôze vröuwede gevâhet .
24v,17 daz ez sich lahters niht

25r,1 erwerben kan . unde kachenes niht . unde
25r,2 ander ungebærde . daz selbe sehen
25r,3 wir an weinene . daz weder scham . noch
25r,4 zuht . den mennischen kan gestillen
25r,5 sô im sîn vriunt tôt ist . er ne breche
25r,6 ûz mit etelîchem lûte sît daz
25r,7 mac irdischiu liebe unde jâmer
25r,8 geschaffen michels mêt . mac gotes
25r,9 liebe daz herze überwinden
25r,10 unde sîn selbes ungewaltic machen
25r,11 sô vile . sô si kreftiger ist . denne
25r,12 elliu irdischiu liebe . swer des
25r,13 niht en weiz . swie vile er anders
25r,14 kan . sô weiz er doch des niht
25r,15 unde kan ouch lîhte eteswes mêt
25r,16 niht . des ist vile des wir niht allez
25r,17 wizzen . unde daz doch guot ist . swer niht mêt gelouben wile .

25v,1 denne er weiz . der ist unwîse . swer die geschrift
25v,2 wole verstêt . unde gotes heimelîche . ie
25v,3 gewan . der verstêt wole . daz gotes minne heiziu
25v,4 liebe kraft hât . vindet aber man etelich .
25v,5 die mit gelîchesenheit zeigent . des si
25v,6 niht habent . oder die an inneren dingen
25v,7 betrogen werden . von ir selbes
25v,8 geiste . oder von einem boesen geiste . dâr umbe sint doch niht alle die
25v,9 betrogen .
25v,10 noch gelîchesenær .
25v,11 die mit innern
25v,12 geistlîchen dingen . umbe gêt .
25v,13 wan swie sich etewenne ein wol
25v,13 verberge . in schâfes wât dâr umbe
25v,14 sint doch niht alliu schâf ze wolven

- 25v,15 worden . nû en welle got ob etelich
25v,16 in geistlîchen schîne . niht wole gerâten
25v,17 sint . daz dâr umbe alle geistlich
25v,18 liute trûgenær sîn unde gelîchesenær .
- 26r,1 dunket aber ieman . daz geistlich
26r,2 vrôuwede . nieman haben müge . er ne sî denne
26r,3 alsô volkomen . daz er niemer ungedultic
26r,4 werde . noch anders untugenthafft
26r,5 der lese waz der gotes
26r,6 bruoder sancte Jakop sprichet “an manigen
26r,7 dingen missetuon wir alle .”
26r,8 alsô sprichet ouch sancte Johannes
26r,9 gotes zart . “sprechen wir daz wir
26r,10 niht sünde haben . sô betriegen wir
26r,11 uns selben .” etewenne gît unser
26r,12 hêrre geistlich vrôuwede . daz man si
26r,13 vore verdienet hât . mit langen arbeiten .
26r,14 etewenne gît er si von genâden
26r,15 unverdieneter dinger gæbe
26r,16 er nieman niht von genâden . wâ
26r,17 zeigete er denne sîn milticheit an .
26r,18 gæbe er aber nieman umbe dienst .
- 26v,1 sô möhten wir alle müezic gên .
26v,2 unde liezen uns ûf genâden gelücke . beide sint si sælic . die von genâden
26v,3 oder umbe dienst . den geist erwerbent
26v,4 gotes heimelîche . unde sîner minne
26v,5 unde sîner lûtern erkantnisse .
26v,6 âne alle lîplîcher dinge gelîchenisse .
26v,7 wan diu triegent niht troumgesiht .
26v,8 unde wârsagunge loufent in einen
26v,9 dône . unde sint vile ofte gelogen
26v,10 alle vleischlich gelüste müezen vliehen . swâ gotes liebe in vliuzet .
26v,11 als diu vinster vore dem sunneschîne .
26v,12 daz reinest . unde daz unsûberest .
26v,13 gehellent niht wole mit
26v,14 einander . götlich liebe . unde vleischlich
26v,15 liebe . belîbent bî einander
26v,16 niht . als vile diu ein zuo
- 27r,1 nimet . als vile nimet diu ander abe .
27r,2 geschihet aber daz . sô ein mennische
27r,3 mit îteler liebe beheftet wirdet daz
27r,4 im got doch dâr under . underwîlen
27r,5 iht sûeze ist . daz ist dâ von niht .
27r,6 daz gote diu selbe îtel liebe . alsô wole
27r,7 gevalle . daz er im ir mit sîner

- 27r,8 süeze danken welle . als sûmlich
27r,9 toerische liute wænent ez geschihet
27r,10 dâr umbe . wan unser hêrre gar guot
27r,11 unde getriuwe ist . unde im leit ist . daz
27r,12 der mennische vallet . sô erbiutet er sich
27r,13 im . sô lieplîchen . daz er im die
27r,14 schadelîche liebe erleide . mit sîner
27r,15 liebe . unde daz er im helfe erbiutet .
27r,16 dâ mit er sich entslahe
27r,17 der ungewerlîchen bekorunge . diu
27r,18 im alein müelich wær . ze überwinden
- 27v,1 unde ouch dâr umbe daz der mennische
27v,2 suoche antlâz der sünden die wîl im
27v,3 got ûf tuot mit sînen genâden ê daz
27v,4 er tiefer gevalle . unde im selben die
27v,5 genâden türe mit undancnæme versperret .